

Te Tōneke

nā Carol Buchanan

Amokura

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.



He whakarāpopoto

Pānuitia te whakarāpopoto ki te ākonga. He nui ngā mahi a Haki hei hanga tōneke. He tōneke pai?

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me te āta whakamahi i te papa kupu me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te timatanga ki te mutunga o te pānui.

Matapakia me te ākonga ngā wāhanga mahi tōneke. He aha ētahi atu taputapu i pīrangi a Haki? He aha te tikanga i tū ai te pāpā o Haki ki te mātakitaki i a ia? Ki tō whakaaro, whai ake, ka pēwhea te pāpā?

Matapakia me te ākonga te whakatūpato i runga tōneke, te mau pōtae mārō, me te whakatū.

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tātari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei:
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuetanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapai hoki, i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini kōpae puoro, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. He aha te kaupapa o tēnei pukapuka?
2. He aha te pūtake o te pae wīra?
3. He aha te take i pakaru ai te tōneke?
4. Whakaingoatia katoatia ngā taputapu hei hanga tōneke.
5. Me aha kia kaua e pakaru te tōneke?

Ngā whakautu ki ngā whakapuaki māramatanga

1. He nui ngā mahi a Haki ki te hanga tōneke.
2. Kia tū pai ngā wīra.
3. Kore a Haki i whakamahi i ngā taputapu kia tāpiri atu ai te tōneke.
4. Ngā pae wīra, he papa, ngā wīra, ngā turu, me te taura.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuetanga o te pukapuka nei.

Te pūtake

T He tāutu i tētahi raupapatanga.

He whakatakinga ā-roro, he whakaharatau

I mua i te pānui i te pukapuka, pātai atu ki te ākonga kua kite tōneke noa ia? He aha ngā taputapu hanga?

Matapakia ngā kupu hou. “He aha ngā kupu hou ki a koe?”

Kia oti i te ākonga te pukapuka pānui, kōrerotia ngā momo rawa hei whakamahi i te tōneke.

Matapakia te hanga tōneke me ngā rawa kei te kura. Whakawhiti kōrero mō ngā mahi kua mahia hei hanga tōneke.